

秋
蟪
吟
館
詩
鈔

秋蟪吟館詩鈔卷四

上元金和亞匏

殘冷集

余以甲寅八月出館泰州乙卯移清河丙辰移松江數爲人師自愧無狀惟以詞賦爲名於詩不得不間有所作雖短章塞責而了了萍蹤未忍竟棄遂積爲卷葉此三年中乞食則同也而殘盃冷炙今年爲甚夫殘冷宜未有如余詩者矣乃寫自甲寅八月至丙辰十月去松江時詩凡百有餘

首命之曰殘冷集

甲寅八月自湖熟移家至全椒十六韻

全家今四口九死一生餘半載棲村落秋深不
可居海隅將乞食汝輩復何如惟有椒陵戚時
時尙寄書尙能容客戶行矣雁鳴初身外無長
物單衾裹敗袂輕擔煩老婢妻女共柴車塵步
余尤苦隨人偶券驢過江三百里喜趁估舟虛
偏值連天雨空山斷米蔬幾回貪賤價不飯飽
羹魚直泝西流盡斜陽指舊墟依依甥舅舍情
話重褰裾爲我籌風雪居然賃做廬寒衣縫上

褚到臘夜春儲還是慈親澤低眉痛暗茹

過揚州

殘樓破堞暮鴉愁爾許煙花醉夢休月色照人

從此少劍塵埋地問誰收賊去後書籍寶玉遺棄滿道中頗有希世

之珍而爲不知者所得賣之既無善價遂往往損失無邊海水添鹽竈時

南鹽法幾廢而鹽則甚賤幾日城居又茗甌城中賣茶者又幾千百家矣

莫把喧聲巢幕事浪傳消息到瓜州瓜州尙爲賊據

落葉和陸子岷鍾江子岷爲立夫師文子時方寄居泰州之姜堰

館余於家

秋老江南逝水深拈花證果事銷沈可知駐馬

躑躅客自感青青舊日陰

冬筍二十韻

蓼荒葵老後胎筍又三冬竹已銜霜醉苔還碾
雪封暗中鞭自長迸處土難容田壁深埋璞沙
錐短露鋒芳根應伏魴病籜那成龍進飯憎齏
白迎暄命菜傭梅鋤和月借菊稜趁泥淞拳曲
貓頭覓彎環鹿角逢笏光新蠟沐綳樣薄綃縫
銀管留纖穎銖衣褪內重切來雲絮輒點到水
花穠踞竈饒涎溢堆盤煖玉供無聲冰乍破如
屑粉初鎔清極膏嫌膩甘餘酒讓釀其香經宿

飽有味比春鬆凍縮佳人指陽回太守胸班羅
寒谷早禪趣冷時濃篝火燒尤便衝風呪肯慵
豈須談合浦休便笑吳儂不忍輕投箸傷心獨
孟宗

落花生三首

旁譜側荔也尋常一樣瓊瑤滴滴漿剛被江南
人見慣可知身是返魂香

殘紅多少付銷沈浩劫埋香太不禁未必飄零
都有用土泥滋味怎甘心

聞說風沙徧海濱無言難道不傷春憑誰報我

花時節去作生前證果人

題漱浦舒伯魯

燾

郎中遺稿

崔盧門第稱狂歌何事傷心對綺羅漢室郎官
年最少長沙才子哭偏多綵毫竟耗愁中命金
榜除登死後科山館寒燈讀遺稿教人豪氣也
銷磨

晚渡邵伯湖

驅車晚至湖湖水千百頃不見水波興但見色
耿耿由來十日寒凍作冰湖整欲行終狐疑舍
車買釣艇柔艫難著力只以短篙打一打僅尺

餘船進與步等時復柄入鑿玉龍聲屢哽有如
玻璃瓶因風斷寶綆又如梧桐錢帶露落金井
此時萬籟寂半月早當頂四邊老樹多冰上繪
春影其餘惟參斗直下寒芒挺霜華已暗生衣
縫溼如梗我從飄蓬來第一此奇景大聲將狂
呼聊用調語請願得海上仙借我鍊藥鼎敲取
鐵與石煮作七椀茗或者天帝女乞我釀花癭
酌之成蜜醪痛飲博酩酊庶幾真味釀消我胸
骨鯁竒想殊不經登岸去已猛若許中流停清
趣十分領便從漁師眠今夜定不醒塵鞅汗未

乾何愁夢中冷

渡江投村舍宿

山色到江窮殘年此轉蓬路長貪落日野曠助
來風火外驚危亂雲邊倦鳥空羣車忘暮冷溪
樹月明中

曉發句容

侵晨十五里風猛稱微醺霜力能忘日煙光欲
趁雲澗冰添馬路戍火奪鴉羣山寺鐘聲徹下
方人未聞

過江浦

萬頃冰田簇麥芽故山遙見夕陽斜竹聲夾澗
葉如雨松影護隄霜尙花荒驛夜寒聞病馬空
天路直望歸鴉浮生已分長羈旅將到家時轉
憶家

晚經江浦西郊播間作

若非萍梗客此地月誰看一歲四來往空林今
暮寒出門猶得飽行路敢言難故鬼渾相識挪
揄語不酸

全椒除夕有作

薄暮山城野祭多黃泉求食遠如何白楊衰草

江南路盡是無家鬼哭過

將以上元日成行有置酒留者即夕口占
傷心如我甚燈月底相干多事留行者深杯不
肯闌漫言春色早爲惜客途難豈有桃花面容
人淚眼看余賃居在桃花塢椒陵一勝景也客或留余俟桃花開者

過六合時方禱雨

春麥半枯農欲死三年況未息干戈若傾過客
傷心淚應比皇天一雨多

泰州道中有黃梅花一株余去年過此時
已開今尙未落感而賦此

淺水疏籬不斷春絕無悲喜是花身與君別後
三千里不信請看衣上塵

得家信知林女尙在

別來學語始牙牙我爲餘生萬事差聞汝去年
歸逝水只今何處作孤花牽衣應謂他人父墮
地安知舊日家寫盡零丁曉盡血死前真有見
時邪

聞周氏姊村居窘甚

平生恩重勝同懷亂裏傷離淚未揩病久早驚
頭似鶴餓多今想骨如豺遙知獨力蘭羞薄豈

有餘生蔗境佳欲致一縑休道晚可憐萍梗阻
江淮

寄全椒汪赤城兼示諸君子四首

臨別飲君酒酒消常口香只今明月夜夜夜夢
還鄉此地皆塵土殘春半雨暘一枝無可寄檢
點舊時囊

已賃桃源住飢驅更出來我家門外樹遙想萬
花開君輩喧山屐居人幾酒杯狂吟紅燭底是
否憶僮才

北地原餘孽傳聞漸可平名王酬 聖慮南道

盼威聲狂寇何時死吾徒信再生廬淝幸安穩
魂夢近無驚

出門七十日此第二回書驛騎揮鞭到期君指
敝廬醉鄉數君子問訊更何如儻爲鶻號苦多
情或和余

秋舫移居泰州庭前有海棠一株身已半
枯殆百年物也其枯處復旁生一枝與
舊株相抱作花甚繁秋舫名以子母棠
書來索詩余擬更之曰抱女棠卻寄此
篇

史君庭下抱女棠當時定是昌州香慣把酸心
欺月姊不將醉臉媚花王胭脂山色正嬌好半
面妝停自嫌老接葉難垂續命絲分根空發斷
腸草旃檀雖散氣猶存前度春風未改溫三生
洛浦重迴步一縷高唐有返魂葳蕤同倚春陰
綠恰似牽衣初出浴合歡羞說並頭花孝慈巧
附相思竹昔日曾譏楊玉奴只貪春睡不將雛
誰知解語階前樹今見投懷掌上珠遙想低鬟
偷掩面等閒高燭曠人見平陽常指阿嬌憐王
母頻扶玉卮倦無媒齊女莫相疑緋醋青桃父

阿誰從來含笑撩人處便是奇胎墮地時成陰
又過十年久時節如今當嫁否受聘休貪梅最
香宜男祇有蘭如酒

題懷橘圖示王生

等是人間返哺兒有懷橘處敢嫌疑我今也作
淮南客無復今生負米時

五月五日盱眙道中

日午逢人處年光客暗驚市傭蒲酒鬧村女綵
衣行舊里青溪水何時畫檣聲將軍王鎮惡天
是不重生

題儀徵團蕉墩先生遺像即仿小畫山房

詩體二首

展拜英風凜太阿當時想見筆公呵古懷欲挽
千鈞鼎生計真成一目羅畫餅聲名投濁易碎
琴心事集枯多鳳凰羞逐籠中雉老著寬袍當
釣簑

焚椒讀過浣花篇語語驚人自放顛腫背世應
瞋病馬縮頭我欲學秋鰯解經未盡周正月讀
史猶遲漢八年著糞佛頭徒苦劇唬妝齟笑到
公前

出淮關

此行草草出淮陰，漂絮聲中淚滿襟。
雞肋早知逢怒易，豬肝猶覺受恩深。
來時春酒無賒處，歸路寒衣有贈金。
貧賤何時更酬答，餘生處處負初心。

葛潭集遇同學劉生

六合道中

尚有相逢地，都驚白髮新。
病多拌速老，亂久賸奇貧。
長路悲秋日，餘生失母人。
孤燈同說恨，清淚浣衣塵。

明日與劉生別

不盡平生事親棺葬未移有家還待食傳姓況
無兒與我皆同病如今豈死期天涯珍重去衰
朽要勝悲

行經六合

諸軍消息謝知聞社鼓無端鬧夕曛爲見村村
村父醉一時回首望南雲

丙辰正月十三日飲浦口村店題壁

依舊春江寶鏡光試燈風裏暗停觴一年我欲
無佳節十里誰知即故鄉飛渡尙思身有翅聞
歌不覺背生芒從今試問髡頭柳何日容人繫

釣航

將之松江子岷以詩送行作此酬之四首
我本龍門士交君束髮時覆巢同繞樹下榻反
爲師豈不增因果何期重別離舊恩與新分回
首愧經帷

何事此年少春愁如草生 國仇方切齒家難
復吞聲與我共晨夕論文聊慰情天涯來日隔
想望淚宜傾

舊學分明在相期夙好敦文章關壽命憂患亦
天恩努力酬先德清聲副大門由來珍重意仕

隱且休論

君知我貧者此別故難留作客非長策餘生況
白頭浮名資乞食何日草堂休孤負平生志無
家馬少游

過丹陽時聞賊陷江浦已趨而西馳急足
至全椒迎眷屬同往松江

我昔轍困江南鱗扁舟遠附全椒媼一家竟作
如歸賓十千賃屋許卜鄰豚童鶴叟紛情親雞
犬見客都調馴此鄉風俗純乎純方期銖積賣
賦緡買田長寄皇初民聽鶯遊戲桑根春羨魚

自引襄流綸

桑根山名襄水名

一年一釀酒最醇能令

鬚髮遲生銀今雖覓食風轉輪冬餘必返天涯

身有家已不愁蓬蘋何圖賊轡江干塵傳聞火

逼臨滁濱西道都在餓虎斷朝發而至不待申

遙知妻女雙眉顰破膽纔補驚魂新出門何處

棲荆榛荒城賊縱哀憐頻

癸丑四月賊北犯時過全椒未入境

旁邑或陷齒與脣我無歸路難問津燼餘骨月仍

參辰日長誰指紅粟困鐵鉞能謀幾束薪榆錢

雖多不救貧桃花雖紅不避秦

余所居東曰榆錢街西曰桃花

塢皆椒陵勝景

莫辭行路重苦辛及時飛渡江之濬隨

我去食千里蔬回頭敬謝諸故人若甥若舅恩
尤真但願兵氣銷紅巾閭閻萬瓦全其珍他年
再到神山垠吟窩終築無我瞋我斷不忘香火
因

泊蘇州

胡奴說鬼豈消愁酒盡燈昏夜欲秋涼雨一城
哀角動繫船渾不似蘇州

內子至

鼙鼓連江雨接天累卿遠到海旁邊焦薪近火
魂先奪散藻隨波力易遷離寄事原同鷓雀樓

居時且學神仙

寓屋僅一樓

商量終勝牛衣泣伴我

春聲過數年

爲高篙漁太守題練湖待月圖

天邊無夜月不圓誰能移家上青天眼中有月
無雲煙一住一十二萬年古有神仙亦虛說大
家塵海拜明月清涼世界大歡喜喜是常圓愁
是缺常圓暫缺生光遲微雲飛來點綴之江山
錦繡黯無色狂風盡意橫空吹明知霽宇望中
在舉頭豈免憂來時此時曠野幾人立此時歧
路幾人泣黃昏大有悲聲起處處失羣孤鳥似

投暗先防老，蛾知問迷難。覓雄螢指不盡，哀鳴
盍旦心錯疑。長夜茫茫是此輩，餘燼不足瞋。奏
書我欲天前陳，是何使者名結璘。後車更有纖
阿神，得無白日惟飲醇。近來寒卧腳未伸，其下
八萬四千戶。凡費天錢無算緡，虎驕竟似誰家
賓。腰斧遊戲星街春，坐視寶鏡頑生塵。蝦蟆本
無蝕光意，不覺漸狎蟾兔馴。瓊樓玉宇貪容身，
遂令海隅半昏黑。十步五步成荆榛，冷陰沈沈
霧露惡。荒倉鬼鳥號怖人，爝火無名作毒燄。驚
魂四散紛青燐，要之月豈久磨滅。問孰受命司

冰輪雷霆一決穢濁埽請聽下方蟣蝨臣碧翁
翁事何敢言且來待月尋飛軒月光咫尺九闔
下此我聞諸使君者使君來自流沙東恨劍不
快與我同輓粟經過練湖側練湖水綠花流紅
多情招手廣寒府來照東南好門戶畫作清遊
雅步看攬轡澄清心正苦何當月滿銀河秋楚
吳來往長風舟使君酌酒三山頭我輩吟詩萬
里流

七夕五首

鈔二

寄語雙星慰合歡更休清淚夜深彈江南夫婦

重離亂儘有今生一會難

鳩鵲橋非引鳳樓聘錢未了各歸休黃姑落得無家累不似梁鴻廡下羞

松江早秋日有懷秋舫子岷

秋信江南有落桐算來江北亦秋風菰莩不是留人物夜夜揚州入夢中

菱二十韻

此物關民食秋江又采菱貴同蔬入市豐比稻連塍泥記春池老潮添宿雨澂相看銀鏡影頓憶璧田芳種傍荷錢浴根妨著帶捩珊芽纖脫

頽絲蔓軟交繩葉抱雲生似花隨月拜能囊初
兜綠錦綉漸裹紅綾飛處翎偷雉行時刺礙鮫
瘦腰疑水戲微步想波凌彼美乘舟至清歌隔
浦謦葭邊深倚樹蘼末暗牽藤選豔盈筐筐售
珍論斗升霞濃宜甕浸露重得盤承柔笑中無
骨堅瞋外有稜齒痕煩婢代爪力讓兒矜角竟
談餘折脂從洗後凝剝成雙翦玉嚼動一丸冰
非瀉何勞雪如梨亦頗蒸風乾饒旨蓄屈到嗜
還憑

主人齋前玉蘭一株七月中忽開辛夷一

言
枝漫占此絕

玉樹當時海樣春
一花寒趣染脂新
誰令老去
秋風裏作盡顏顏苦向人

苦蚤

我靜如枯禪
一客不敢見
必麼汝誰氏
修謁及
寢宴舌端挾
銛鋒來意大
不善非蟲亦
非蚤曰
蚤苦糾纏夫
汝何自來
大抵熱土變
海隅腥穢
多非種易蔓
莖遂孕恒河
沙散處偈庭
院昌陽
舊酒母桃枝
灑濃霰辟汝
似辟邪汝不
受烹鍊
白日常千人
一二隱衣片
暑餘習裸身
力尙任

驅遣入暮貪新涼當睡意已倦汝乃動大衆無
聲勢潛煽初猶蠕蠕行使我毛孔顫繼皆躁而
跳茵席棘芒梓將無恆苦饑今夕與豪醺醉飽
漸無禮舞蹈作歡抃又疑羣小聚得食怒交戰
爭先一鬪嘗膚革攢著箭我謀生致之將髮當
墨練平縛數十頭帳下示嚴譴手拙難捷獲摸
索暗中徧呼鐙瞬纔停躍去速於電幾回誤豎
指遺糞衾上線逋誅了無蹤藏身黠甚便似畏
齒牙摩報以血花濺幸汝留餘地未渠破吾面
脛股肩背閒頑軀恣齧嚙與汝姑調停忍痛再

言四
一錢且去我欲眠無爲久遲戀況蟲類萬千一
一才技擅或頗吞螫人以人爲鼎膳亦各理人
病而汝不中選抱此塵芥形鑽處即奧援時時
入人幕至竟孰鄉眷數曲辨汝族苦問腹中卷
歧行脰語傳美名儘可羨汝復眇道及可知賊
品賤我雖笑罵汝爲汝作佳傳

秋夜小步溼上待月

獨傍漁燈自在行星河斜轉月初生破橋潮急
野花亂荒驛露多秋樹明珠玉難酬新雨價蕪
鱸虛重此鄉名四邊蟲語喧人耳只有南棲鵲

禁聲

落梧曲寄蔡紫函

琳

落梧復落梧又直秋風初秋風不可說但說梧
葉拙梧葉神太清秋風驕有聲梧葉性太直秋
風怒有力梧葉不辭柯奈此秋風何秋風本寒
信梧葉亦何恨恨負春風心吹出如雲陰春風
底事早惟願成陰好陰成是落時春風不如遲
難道春風錯梧葉自命薄況當春前花便引鳳
作家鳳來棲未定梧葉秋先病破盡青青錢飄
零天海邊春風慮過此梧葉真悔死翻添春風

愁難轉今年秋今年秋冷酷明年何處綠梧葉
聲暗吞敢乞當時恩春風最相惜定知顛顛色
回頭謝秋風合種紅蓼紅梧葉在塵土祇共春
風語

代書詩一百韻寄丹陽束季符

九泰

別君芍藥風春盡月在余勿勿秋已半白露凋
紅蕖宵夢頻見君中僅一寄書作書寄君時軍
聲靜如初其後屢駭聽告敗紛馳驅一將急鞞
刀長眠無遠慮一將蟻潰隄至竟先籌疏兩郡
添劫灰仰天禍孰紓此賊慘非人以人爲醢菹

我昔陷黑獄變相親見諸比聞賊過處橫驅斷
雞豬曲阿雖瓦全要是賊唾餘君有妻子女豈
免移僻墟子韓亦家累與君壓負驢遙想呼驚
魂奪步趨崎嶇相從南山南遠去賊所陸休問
溪種桃可能屋隱蘭君定急衣食仍曳軍門裾
盡日俯捉筆醜疾將簾篠令公喜怒者近已歸
里閭無復蠅吐污或當鶴益糈君體癯若疥苓
尤常宜茹無爲壅遏之轉以肉養疽方暑得頻
浴非種應畢鋤美酒蘭陵多曾否歡飲釀余在丹陽
時君託疥戒飲凡此詢君語西望恆躊躇以我躊躇心

知君復憶予請述行者難辱君聽何如我貪南
枝棲盡室辭淮淶飄忽一千里五萬錢舟車既
來春申江循江賃做廬樓居纔三椽臨街婦洗
梳地溼足蟲蚤蝶睡難蘧蘧朝去入村市莼鱸
嗟虛譽姑覓一飽資薪米鹽醬蔬問價羞探囊
物物奇貨窟尤恨方言歧發聲羣軒渠極意學
蠻語將進瞋趨趨曷爲遠道來彊顏執人祛豈
不念樂土避風師鷓鴣儻得數載留佳境期食
諸此吾先世鄉雲仍還歸於余先世自華亭遷宛平再遷江寧
詎知苦海波隨去舟逆挈皇天夏不雨溝港泥

皆淤青青田中苗頓委雲葉滑彌月舞桑林禁

及蝦鱓屠

借押

已有游閒民借名耦召耒翦草縛

百龍麀集太守衙

借押

非時欲貸粟其狀狡甚狙

若輩苟苦飢寒野覓橡櫛一旦聚爲盜篋恐白

晝肱憂早且未已疫盛邪挾魑巫穢重舊俗譁

若神言臚夾道盈香花繁唄鍾刈鑿

借押

我家祇

三人次第符繫初晨熱昏欲酗夜起欣涼蠕爨

煙常不興鮭菜朽乳蛆典我白布衾藥裏供嚼

咀幾束肘後方待付鈔書胥即以二者論眉顰

安能舒魃尙不足詛魅亦不足祛最憐猢猻王

舌耕非菑畲我初坐經帷弟子前問疋眉目好
若畫比翼鳴鷓鷃性乃不好讀如卧時聞吐勸
勉術既窮下策威仗笮何期主人婦於意大齟
齬謂師職嫻母技胡黔中驢遽代越俎庖使擁
皋比虛本來下客飴冷炙無完脰草具漸不飽
驪歌此權輿尙欲曲彌縫陰豎降城旗傳婢忽
監軍屏後衣見練稍有不措意大聲雷震砧未
辨呵罵誰只合耳貫瓌嶽嶽閨房雄有是摯者
睢余雖靦然面容氣久埽除爲師至於此豈復
可忍與況彼翩翩兒藍田雙美璫坐廢無磨礪

自問慚作楮昨已請絕交敬謝乏智諳明知廣
厦稀微命天植噓或者黃塵寬有地容病樗落
魄亦意中竟化枯肆魚滄溟方橫流愧弗樵而
漁置身哀樂外庶幾老死徐頻年梗窮途淚積
河可瀦不知葬鶻血何方茁茹薦得失原雞蟲
譬之碁與樗獨悔燕雀忙營巢甘拮据此行太
拙弄鑄錯奚補苴愁至無斷絕刀思借錕鋹與
君託心知聊復陳歛獻勿爲外人道徒惹纓絕
吟昔別行色嚴方寸窘莫攄諾責償此詩非曰
貢瑤琚藉題一尺扇冀君懷袖儲耐久毋棄捐

情類漢婕妤和也謹再拜並詢君起居霜菊瞬
戒寒努力慎璠璣

今夜

今夜欹吟枕高樓又冷些風嚴雄角語雨重瘦
燈花漸老驚多病長貧恨有家秋蟲亂人意不
睡盼唬鴉

賦得親朋無一字八韻

豈不將書去而無惠我音未應真決絕難道盡
浮沈都有平生分期盟老死心別離猶各夢衰
歇到如今縱或雲遷變何妨話淺深隨時仍盼

望幾處費沈吟他日梅誰寄秋風酒自斟若爲
酬一字還欲抵千金

蟻婚

方晨童聲譁蟻戰在晴塏何事微者蟲外忿中
弗餒孰陰伏而狙孰陽怒而貽我來壁上觀未
覺鬪志倍但見羣蟻旋蠢聚階石礫不辨千與
百作隊墨交彩依依塵土中其狀褻甚猥自餘
殊紛紜兩見熟視每以口欲問訊鬚舉想奉頰
氣或鍼芥投雙珠頻貫珮亦有寡合者往往止
受給身近輒引去形穢若恐浼猶復行勞勞冥

求未肯怠最老數十蟻頭股肉起蓄屹立常不移癡立意有待須臾解而散如罷戲傀儡居然同穴歸徐上高樹瘰若果蟻決戰胡然苟奏凱絕無野棄尸戮力死矛鎧並匙毫毛創回步行折骸我心相然疑良久笑而欵此實蟻婚耳曰戰謬無乃上世巢燧前已閱幾千載婚禮固未興獸行豈無罪義媧兄妹說悖合誅以樞聖人師萬物有術陰主宰度與此蟻同葑菲聽自采事雖近草略怨耦乃寡悔既各私室家何至士遷賄中古設禮防灼氏列寮案姬公書六官典

尙皇邃匪不禁中春會許暫贈蘭茝宰相貴近
情衢巷味調鼎後賢未深思道是莽歆改世近
禮愈嚴女賤自媒隗大節必踰山名教白日暉
惟聞南荒苗小年對蟠髮柳圈金寶璫衣羽競
璨璀跳月桃花天日罔卜子亥意得斯相從豔
歌當聘綵亦此蟻者流然有古風在我今賦蟻
婚讎言忽倒海尙與腐儒談語病索瘡癩將無
責誨淫難破迂塊礪詎知蟻娛愁聊緩涕淚催
吾且欲語蟻不見蛟蚪鯁取妻必生子防人持
作醯蟻乎汝非戰民今戰方殆

八月十五夜作

我道今夕月祇是尋常明下界何所愛而以佳
節名比屋忙香花前席瓜果盈百拜齊當天如
見常娥生吳娃妙梳洗鮮衣上街行叩門邀姊
妹有地皆笑聲誰家好子弟打鼓還吹笙豔曲
喧沸鼎巧與紅妝迎來往水中龍不夜疑春城
大抵舉國狂亦自歡腸成秋涼逐殘暑稻熟病
鬼平今年諸郡邑皆歉於旱而冀田獨豐小年各無事喜氣眉宇
橫良時盛歌舞得意方爭鳴遂覺月十分此鄉
如玉京我昔家青溪夫豈非人情每當今夕前

與客先課晴月下長橋時嘗泛扁舟輕不復羨
舉燭風露良遊清如今一葉命九死魂餘驚依
人等眈贅血淚從誰傾乞援故人書一字無報
瓊薄暮彊命酒未飲神已醒努力差健飯擁劍
欣呼羹蚘蟻雖不可食土人翦其螫之偏大
者賣之味不減於蟹而食亦無毒衆
中獨閉戶胸腹愁有兵不免意灰槁欲樂難支
撐天憐此緒惡新雨來三更催起寒螿曉伴我
吟孤檠

秋蟲

灼艾焚蓮計總非新涼燈火尙依依老將謝世

心逾毒熱慣因人口便肥坐待雙星投暗至夢
回疏雨作聲飛翻憐團扇添餘寵已是捐時更
一揮

秋蠅

何聞何見去來時窗紙重鑽事可知落木天寒
將弔汝食瓜人散更干誰幾多沸鼎趨宜慎爾
許斜陽戀亦癡作盡繁聲都惡劇長吟蟋蟀自
忘飢

解嘲

豈寶柱下言而欲學守雌蓮宗重忍辱亦自非

吾師半生斷斷儒養氣尤自欺琴絃若動殺聲
在長劍未馴夢捉之問卿何爲不男兒君不見
仲孺屈意請蚡宴正平猶聞媚表詞其他忍淚
事可知廁中胯下非難處只要饑寒失路時

蝗至

千里夏無雨江田未盡遲人猶期稻熟天又遣
蝗知難緩神倉漕方增列竈師吳農竟何罪不
在腐儒飢

庭前秋海棠甚盛五六月間傷於旱至九
月初僅有三本作花者蝗墮地復蝕其

一詩以弔之

小草天都忌孤芳似此休秋先桐葉病蟲當稻
花讐漫擬春陰護纔知薄命愁尋常自開落已
是幾生修

余所居樓後樹上多鳥鳴初甚憎之今熟
矣誌慨

日長愁絕惟思夜夜枕纔眠汝喚醒只覺此聲
都未惡可知人語不堪聽

重陽

三年四處過重陽

前年在秦州去年在全椒日
禺中時突有賊警急走二十

五里之北鄉其地已近
滁州矣今年在松江
身比南遷雁更忙貰酒
從人說佳節看花何日歸故鄉樹雖如此春猶
綠我欲不愁風太涼薄暮登樓望書信白雲秋
草路茫茫

將去

不辭荆棘路吾意又天涯未煖羞移席常輸怯
著碁去無餐菊處來是望梅時所得今何物吳
中幾鬢絲

悲來

悲來難放酒顏紅長夜他鄉況雨風萬里音書

蠻府外

方作書寄雲南
學使吳和甫師

一家燈火雁聲中身如

孤注翻愁病事已空城不說窮極意周防秋冷

後更停老淚作飄蓬

九月二十四日以妻女去松江將復移江

北是夕宿青浦

飢鴉成隊又西征知有江淮幾日程來事但憑

風定葉此鄉真讓酒稱兵

青浦西城之酒
峻於松遠甚

愈驚

秋冷兼霜信欲問余愁在雨聲未用行更防暴

客倘應瞋我舉家清

吳淞江行舟
近頗有盜警

舟中遇先祖慈忌日不能設祭感述

半年忍淚在人前寒雨吳淞又客船儻已知聞
到泉下一時黃髮定悲憐

大風雨泊舟

風雨催天黑吳船早住橈村貧疏點火江飽怒
推潮客意去方急秋陰寒更驕誰知此行苦妻
女話中宵

次日風雨更甚舟不能發

何必兼風雨纔成行路難我應窮未至天更虐
多端漸欲酒錢吝空江方晝寒置身無是處前
望意漫漫

五人墓

一死終驚奄騎還，只今埋骨萬花間。
墓旁皆蒔花者所居

義風尙恐要離愧，後有梁鴻葬此山。

舟次夜飲

頭已三年白，身幾萬里遊。
客心當此夜，世味賸孤舟。
風勁蟲遲語，霜深水暗流。
寒燈倚尊酒，寄意送歸秋。

秋蟪吟館詩鈔卷四終

秋蟪吟館詩鈔卷五

上元金和臣匏

壹弦集

余以丙辰十月應大興史懷甫

保悠

觀察

之聘佐釐捐局於常州明年丁巳移江北
其七月又移東壩遂至己未九月事在簿
書錢穀之間日與駟僮吏胥爲伍風雅道
隔身爲俗人蟲鳥之吟或難自己則亦獨
弦之哀歌也今寫自丙辰十月至己未冬
赴杭州時所作詩凡二百有餘首曰壹弦

集

停雲

停雲江水最東邊
瓦礫爲衣棘作氈
鳥已改聲仍注彈
駝原瘡背敢羞鞭
但期白飯兼三口
祇乞丹砂駐百年
生意只今顛頓盡
受人排遣得人憐

寄家信

時寄家奔牛鎮

尺書頻寄有吳航
居不成家況異鄉
人爲餘生常事錯
天教歧路值年荒
神錢豈有歸飛處
仙藥從無止淚方

婦書來索藥
裏備目疾

百結愁腸來日遠

酒邊枕上怕思量

江干步月

江天夜靜月華清
秋盡銀河瘦不成
何處微雲來點綴
頓教人似夢中行

即事

天意驕時賊軍興
七載餘積衰民亦虎
多歛澤無魚事豈回
瀾易人誰釀病初只
今常痛哭休上賈生書

得家信寄丹陽東李符

允泰

十韻

雞鳴雨初霽有信到江干
和夢披衣起擁衾忘

曉寒數行章急就細意幾回看道織流黃婢今
猶困藥丸一家陳纊薄米貴欲停餐曾約將錢
去遙憐筆尙乾少君雖健婦不解寄詩盤瑣屑
頻傳語平生此友難況聞當打槩同畜淚芄蘭
亦爲紅閨病見時都寡歡

時季符亦將
歸視婦病

曉起

江鴉如沸過禪房時已傳餐澣沐忙宿雨放晴
寒亦好新詩入夢醒都忘覓來惹非常無價落
後楓枌尙有香煮酒攤書隨意坐睡魔重到竈
觚旁

枕上

江蘋隨分滯，飢鴻始信輕。
塵弱草同寒，極不羞。
錢癖重愁真，盡放綺懷空。
酒杯縮手，秋花下詩。
筆傷心，暮雨中。賸有迷離禪榻夢，一燈睡味雜。
芩通

夜泊口岸

泰興道中

艣聲澀處夜寒增，關吏樓頭獨有燈。
秋葉盡零難辨樹，暮潮未落已成冰。
月華何物魚都愛，風信明朝雁可憑。
客況愈孤吟自健，且沽村酒放眉棱。

常熟泊舟後得大順風夜發歸江陰

時移

家江陰

入暮烏嗥引客程
長年飽放布帆行
樹難應接知風利
潮況奔馳帶月生
來日到家應可信
窮途如願太無名
天公定與鄰舟福
不受虛空慰藉情

喜含山慶子元

光亨

來江陰見訪即以言

別四詩

別後江南亂無家
今四年昔之憂世語
事竟在生前若論氣
如虎都應魂化鵑
兩人猶未死此

見豈非天

何況書生志相期大將才但憑怒髮上亦可作
風雷頻歲向天哭何人如汝哀橫胸兵甲在從
不壯心灰

我已銷聲久甘埋萬古悲天涯餘幾輩能讀近
年詩君至催沽酒酣歌似舊時舊時更狂態江
上月曾知

可惜飢驅急明朝我又行茫茫江海路無此劇
談聲有地籌軍國知君忘死生歲寒珍重意休
以一身輕

小除日阻舟如皋之曲塘易車以行至泰

州

風定冰全合扁舟滯海涯一年爭此日百里走
單車歲儉無喧市居人自物華誰知急行客仍
不是還家

戲題卷簾美人有調

花笑光陰絮舞時眼前重見此蛾眉近來恐有
人瞋問金屋深深是阿誰

丁巳花朝有作

斷雲如墨雨如絲寒到花朝薄暮時江上更無

春色在但青青處是楊枝

山寺題壁

山寺無塵春有餘我從香國駐征車此生可注
閒人福去擁名花補著書

花影

纔向樓山臨畫稿又從池鏡亞空枝月明花影
無安頓何處人生不別離

陪某公夜讌坐中客有以數十律屬和者
固辭不敏賦此見意

上頭賓客盡如虹授簡何堪命阿蒙毫氣敢稱

蠻語熟虛名休數馬羣空未經仕宦才都退豈
有窮愁句尙工水上百花花下月最無顏色對
春風

舟中送春

客路易中酒天涯況送春從來落花日不雨也
愁人

落花

萬點殘紅謝故枝漫天巾地受風吹餘生茵溷
都無恨恨是飄零未定時

原誤

人生百年中能容幾回誤誤者謂不知知之胡
弗顧蓼蟲難辭辛負版無平步豈真性使然亦
非盡守素事必有由致君未察其故

偶得舊陶集讀之漫書

我欲方陶令書生更可憐看花誰有酒種秫況
無田難諱閒情賦長歌乞食篇窮愁兩無賴或
附古人傳

志感

長者難逃豎子疑洞明心事暗投時逢人躍冶
金雖直信佛談經石尙凝水竟無魚終怨府市

方有虎盡冤詞不須錯字從頭鑄前路揶揄鬼
自知

舟中不寐

醉淺無酣夢吳船此夜長孤蟲初學語殘燭欲
辭光雨意天遲曙潮聲海始涼銷魂不在別秋
已斷人腸

蠅責

曰蠅女來前人畏女善讒我道女穢形發聲亦
頗凡一字無分明向人惟謁謁清夢頻相干於
意了不忤凡聞女聲者孰不驅逐嚴敢惜撲滅

勞累及婢手摻譬避毒蠱螫失色急脫衫何至
信女蠱許女談席僂女主日下鳳高樹招賢繆
詎無好羽毛隗始搜自巖或苦語太直左右增
史監逆耳屢不怡野性疑麇麇女以此時進禪
悅師妖獯罔學小魚鯁但附雙燕誦女主喜女
馴吐飯握髮髻降心受謏詞古樂欽韶咸置女
獨坐榻青金雕紅蟻女居神欲癡眠起需扶攙
啖女天廚珍萬錢醫女饑女食飽欲死那復名
酸鹹漸覺味飲醇與女通至誠漸覺漆投膠與
女商民碧女遂翹凍足陰附驥尾颿尙恐賢星

多一網同埽機有如歲寒松豈是垂癭杉自女
呻吟之松乃遭鋤芟有如連城壁豈是含瑕玦
自女擲揄之璧乃經削劓能使無價寶著糞泥
有賊能使記事珠圓光破難嵌青天白日中平
地成巖巉女謂工蟻射藏身恃重巖可知怪哉
蟲百齒胥女銜莫笑拔劍拙誰乏錐與鑿一朝
制女命女魂非免斃女死猶乳胆鴉鵲不女鵠
只合投溷中而以丸泥械女今戴二天方順風
揚帆雷霆縱在旁女口亦弗緘我將寄藥石咄
咄常空函我似寒蟬瘖自有叢桂岳

始得家信知祇女病瘧

書言嬌女病病是早秋時秋半書方到天涯愁
已遲遙知費調護阿母幾顰眉辛苦飢寒外還
酬藥裏資

十七夜見月有懷

小飲夜已深翦燭忽見月開門試起舞新寒中
毛髮昂頭呼青天我是鐵鍊骨閉置雖如囚狂
氣未銷歇豈有惡風露獨降愁城罰此時萬戶
眠寂寞玉一窟茫茫千里中誰更清興發或者
翠袖人臨江水羅韞方恨月出遲圓光略凹凸

我有秃筆鋒願補鏡中闕得修嫦娥眉書空胡
咄咄

飲酒

飲酒亦何趣宵深必舉杯終朝況愁絕此際獨
顏開爲遣吟懷出還牽睡味來醉餘尤耐冷豈
不是奇才

連日大風雨聞農家者言憫之

日者蝗之來如雨勢難遏青青田中禾敢望虎
口脫眞雨何處生天似蝗命奪方欲酬香花百
拜喜著襪詎期施淫霖雲黑寸匙豁連朝更狂

驟垂水海樣闊老農往循隴氣盡泣而喝若再
三日陰稻爛不煩割前年秋有兵地供賊芻秣
去秋兵旱蝗幾滅土一撮今年耕差安秋成慰
飢渴蝗乃陰伺之呵逐口流沫雨又乘其虛虐
且過旱魃含冤欲問天理直聲咄咄天乎此何
意欲殺民則殺吾米蝗所留牙慧等毫末縱得
全家飽能多幾時活

不寐望月

睡更披衣起詩狂與酒顛樓高風有力水遠月
如煙夢在蟲喧外愁生葉落邊人將秋共老寒

趣又今年

寒夜

寒夜倚高樓天陰作暮秋
戍燈含殺氣村梵挾淫謳
鴻去知風力星移覺水流
客懷應怯睡此際尙忘愁

米

洛京屑越豈相宜莫笑貧家數
後炊史筆尙難輕市直賊符何怪久
吟癡倉稊身已同泡影囊粟心原謝
飽飢一飯可知恩太重年來爲汝不
男兒

鹽

糝白霏紅水亦腴淡交滋味竟糊塗儘添銅臭
千家可能作梅酸一事無因驥居然傲英物引
羊畢竟媚淫奴愁余舊學荒蕪甚賦海遺忘詠
雪麤

酒

何必論交我輩私興酣愁死一中之守文丞相
留賓日失路英雄近婦時得此能忘天下事有
誰敢作謫仙詩最憐成敗因人處名聖名狂兩
不辭

肉

平生鮭菜未全非每聽轅羹淚暗揮豈有大夫
謀國鄙何妨從者食言肥炙原可欲人偏賤糜
果能分世不饑多少屠門豪嚼者一心說士坐
中稀

夜坐

坐久酒都盡天寒夜四更短檠無火意遙析有
霜聲怯睡中年味尋吟獨客情樓居愁似海未
必便長生

客中除夕

辛酸今歲盡獨客黯銷魂
四顧無前路春風古
寺門此身空老大與酒度
朝昏閒殺著書手傷
心誰與論

戊午上元夕抵家

船對潮行去艣遲到家
已是月高時迎門兒女
先調笑錯過春燈酒一卮

村話圖

頓覺干戈遠清涼滿目前
歸來種桃地笑倒釀
桑天我有千秋話今無二頃田
結鄰向風月此事是何年

言五
二
村外小步

雨後春光繡不如四邊新綠繞山居無花老樹
知多少桃杏詞人不道渠

即事

蒙頭衲被意如灰儘好山春眼倦開花底雨餘
誰試笛引回殘夢過江來

飲酒

幾時洗面淚珠乾多難長貧意彊寬儒句有年
於老近樵漁無地得生難一家餘燼期雖立四
海橫流仗鈇彈不是酒杯渾作達爲曾設想便

心寒

選錢

飢棲無擇枝留滯釐捐局胥童課錙銖管鑰命
吾屬借問近何事阿堵伴食宿比貧兒暴富十
萬塞破屋噤口欲不言銅臭名已俗起來呼錢
神汝今亦識僕雖無用汝權生平此眼福不留
耐久交計短真碌碌聞汝有古香往往土花簇
昔賢矜多藏罔諱癖之酷我試選奇尤聊當訂
譜錄脫貫聲瑤然文字燦盈掬大都周秦間惟
餘半兩獨由漢迄六朝五銖略可讀如凜通者

流亦莫辨誰孰新莽所創鑄萬一復謀目固皆

巨手篆倉籀筆匙曲要是尋常物見重等荒穀

豈無品上上寶貴敵珠玉

謂如銖銖五五二銖四銖之屬何人

期瓦全與劍埋在獄日久蛛血枯氣斂霄漢燭

抑聚於所好已韞誰家積鐘鼎方追隨更不司

販鬻我姑登下幣藉塞鄙人欲其次唐庫蝶隸

若深刻木月子彎其陰或著地洛蜀十分完好

者鏡光尙新沐況聞中醫方折骨每能續積之

多益善蒯繩漸駢束當年張鷟文想見聲價足

否則李杜仙曾買酒十斛宋錢遺最夥十可得

五六四體何紛繁鋒棱妙伸縮金元錢頗希享

國本較促摩抄偶有得楷必歐虞肅

金元錢有用其國書

者今尙可得其範較大不在日用常行錢中故略之獨怪前明時一統擴

皇錄今裁數百載天胡奪之速中間七紀元竟

乏一錢贖

惠宗之建文仁宗之洪熙英宗之正統天順景帝之景泰憲宗之成化武

宗之正德錢俱無一見者建文景泰正德骨董家或售之然皆贗作無真品也縱云銷

燬易駟儉手常毒詎無漏網魚乃似覆蕉鹿其

餘諸帝號圓相見粗熟質皆輕且薄書尤拙而

禿一代制作疏於斯即可卜蓋自宋以來取一

汰其複至若環海外夷醜越荒服以及草竊徒

僞號日妄逐各有鑪炭工黃字酬菽粟勿庸論
點畫都自堅好肉借押濁流未盡投大是良金辱
我亦披揀之臚列鼎姦族凡諸劫後灰俱我纏
腰蓄敢謂驥空羣翻憐鷄滿腹纍纍此晨星幾
閱人歌哭自今看吾囊替洗客顏慙寶山不空
回債臺欲緩築奈學姪女數指爪徧青綠愁城
頭屢低春寒手恐瘰將無窮鬼謝雙目暗中感
差幸官家錢書生貨非黷門前賓朋來未用身
障簾

欲起

欲起仍眠戀宿醒
禁煙時節易天明
還家亂夢鐘催斷
隔夜殘詩雨補成
桃李此鄉應笑客
江湖何日且休兵
餘生又伴青春老
願聽鶉鳴不聽鶯

客味

一花今未見已過尾春時
客味寂如此日來愁可知
靜聞流水語閒識遠山眉
何處容消酒黃昏雨最宜

送陸子岷

鍾江

入都就縣令銓

五年師友至親如
縱值離羣意肯疏
夢裏江湖

同識路病餘晨夕必傳書豈惟性命關文字常
為窮愁慮起居此後相思應更甚不無消息滯
鴻魚

為想前途叱馭身從今名姓在黃塵古之循吏
相期久家是清門不厭貧此日榛蕪憐滿地他
時麀鳳望斯人書生一事宜珍重衣狗羣情辨
要真

我已中年朽蠹甘溲娑衰柳在江潭窮常送鬼
渾無賴拙到為傭亦不堪乞食人如遲老死種
花地願近東南脫雖借箸非吾分尙欲書城一

縱談

聞賊陷全椒感賦二首

此鄉真瘠壤每意賊哀憐我尙欲枝寄今終難
瓦全更無買山地安得洗兵年家國平生淚
臨江一黯然

甥舅半垂老新交幾友朋昔之受恩處酬報久
無能生死知何若音書得未曾豈惟吾意苦兒
女恨填膺

苦熱

檐短軒尤敞全收暑一樓有風宵不寐未日曉

先愁膚剝頻驚蜩言徐欲喘牛近今何畏懼項
背汗交流

還家

還家翻似客兒女一時喧亂閣囊常礙新支榻
不溫縫裳促冬綫翦燭戀宵尊幾日聽江雨征
帆又在門

別後寄內

家爲逆旅身爲客歸太艱難別太忙兒女憑卿
好調理琴書隨我愈悲涼畏人常作廁中鼠寄
地如看塞上羊何日漁樵忘思慮葛巾管帶話

殘陽

長夜

長夜宜遲睡寒天要薄醒
況兼風雨苦繞樹戰
秋聲樽酒貪書味吹燈雞一鳴
客愁方欲起鄉夢已先成

九日

難得秋還霽何曾節不佳
客蹤閉蕭寺黃葉只盈階
無可看山處看花約更乖
淚從詩句喜憂待酒杯埋

感事效演雅體

果是師材豢亦宜看來驢技了無奇避螳有路
終非計摧虺於君要及時猴已得冠防狗喫蟹
方擁劍狎龍癡將鳩病鵲何恩怨所望鷹鷂一
護持

不寐

秋盡蟲酸夜更遙異鄉霜鬢醒無聊青燈影與
詩酬答黃葉聲兼夢動搖野水天陰孤雁餒破
樓人病大風驕爲貪薄醉纔欹枕不到愁消酒
已消

花影長圓圖東季符爲悼亡作也屬題

我聞天上花一開三千年雲霞擁護之花身即
神仙如何種下界壽命乃不堅春風吹未終飄
零東君前將無優鉢曇一現留因緣老佛作狡
獪香色無真詮抑由塵網中愁苦恆無邊託根
本空山不似藍田煙晴雨與寒溫幻境皆憂煎
庭蘭杖慈陰生意了不全時鳥多悲哀同病尤
相憐坐此相中傷埋玉成長眠遂令偶花人舊
夢纏且牽含情命畫工欲奪造物權開時花如
何彷彿生平妍所惜花落時餘恨難爲傳可知
解語非寸寸花魂薦謂是花之影影在花棄捐

舉酒欲醉花未飲先酩然豈聞鴻都客扶花出
黃泉但餘人間血滴地生杜鵑彩雲不常鮮明
月不常圓瑤臺花又紅引君歡喜天

余作詩時
元相已續

柔之矣
故調之

己未花朝由東壩之蘇州

幾夜春陰損月明花朝喜放十分晴樹根未綠
有生意風力尙寒非惡聲客夢乍隨曉鳥醒征
帆盡對好山行近來酒興頽唐甚孤負汪倫送
我情

有人饋酒未及
飲載之而行

飲無錫惠山酒肆

勞勞在歧路家近不成歸獨客春愁有中年酒
力非泉聲鳴宿雨花影占斜暉亦自閒行坐翻
憐倦鳥飛

夜泊焦山口

江雲如秋疏於紗有意無意籠月華夜潮明明
向西去此時應到吾舊家舊家城郭不可見杯
酒且酌鮫人槎眼前榴醋自火發未是可意初
春花

絕句四首

黃金買骨事何如逐電追風願已虛要作人間

孫伯樂不如留意到鹽車

花前夜夜月留賓
今夜東風寂寞春
任是朱門好池館
落花時節總無人

世言古物我無有
我聞極北有雪山
此山貼地一尺雪
應是盤古元年寒

自有陰成果熟時
東風不遣落花知
落花抱盡傷心去
只恨東風再到遲

別後寄張耕農四首

容易逢知己
論交白首初
曲原人和寡
情豈市交如何意
遭飛語於今
感索居所欣
肝膽在膠

漆肯中疏

我豈能無過吟魔又酒魔客懷湖海重世態雨
雲多幾輩能言鴨平生瘡背駝時宜渾不合奈
此肚皮何

君亦嶢嶢者須防有缺時羣言方集矢一子易
輸棊努力酬初願同心更有誰鹽車況歧路良
驥可勝悲

阮籍停車日唐衢應舉年槐忙天已雪秣賤我
無田心事寒蟬外音書落鴈邊石交今鮑叔難
諱口言錢

題長洲宋黻卿廣文先生澄江話舊圖四

首

昔與二三子偕游鄒魯門
豈惟商舊學常覺感
深恩問字春燒燭論文夕命尊藁義詩廢後經
帳尙餘温

先生前爲江寧學師
歲己酉以憂去職

何意遭離亂干戈捲地來
最憐吾黨士都是燼
餘灰幾輩傭猶活無家別可哀
遙聞杜陵厦迎
擔徑頻開

時避地蘇城者先
生皆加意接之

香火因緣在春風如有私
江東諸弟子重與主
持之時尙馳兵檄人難聚
講帷 聖恩許僑試

杖履幸追隨

先生再補江寧縣學未履任今送諸生應試杭州

長者情親甚重招舊屐裙觀潮向東海指日話

青雲

先生別有觀潮圖爲吾黨勛也

所愧才名老難酬望眼殷

惟憑新菊釀常誦百年芬

今年重陽日爲先生六十壽

吳江道中

半老菱花半醉楓湖山真比畫圖工那堪到處
逢煙雨十日吳船似夢中

送史秋舫

寶恬

之粵東兼示子岷

與君小別經三載乍見各驚塵面改一夕清尊
萬里遊君之此行南到海南海不在青天涯燕

趙會有同飛時所嗟雙鬢易爲老相思但願相
逢早況君此行非得意世味寒温近來飽故鄉
雖在今難歸歧路帆輪皆草草我亦失水如窮
鱗江湖空闊依無人化龍不成意中事方就浙
江僑試
簫聲知逐誰邊塵忍淚從君一揮手何年真結
桃源鄰余與秋舸屢有結
鄰之約終不得果桃源幻境不可得家
累尙非息肩日平生意氣寧死灰彼此男兒須
努力羅浮梅花開待君陸郎循聲方籥雲子岷
爲龍
門爲余枯菀若垂訊憑君一語通知聞

題澄之吳淞歸櫂圖

頗欲寄聲訊海濱
寧久居西湖今一見
君有思歸圖
莼鱸非所戀
此意不欺余
與覓停舟處
桃源世有無

題楊撲庵

長年

補夢圖四首

五百年中卧榻寬
幾人醒後說悲歡
羅浮太褻邯鄲俗
句引書生一睡難

梅花小閣枕微波
似隔紅牆正按歌
定是前生消受地
再來還賸月明多

吟魂偷入大羅天
親見紅崖散髮眠
自是下方人不到
青霄畢竟有神仙

先生此境可尋無底費名山補畫圖好夢可憐
都散失獨留醒眼看榛蕪

西湖酒家題壁

老去名心盡後才敢將馬骨問燕臺此行不是
欺人語半爲西湖買醉來

西湖雜詩六首

一桁殘陽五柳居只今宋嫂重羹魚銷金鍋裏
無真味獨有黃齋淡不如

去天尺五文瀾閣尙有平生未見書潤州江水
揚州月無復神仙飽蠹魚

安得軍聲似背嵬岳王墳上屢徘徊一錢試學

人磨洗袖得青天霹靂回

相傳於岳墳前甃石上磨錢佩之能辟邪

拜罷于公墳側坐不須尋夢更句留科名萬一
非非想我輩先從夢裡遊

欲澆杯酒意先酣蘇小墳前香一龕昨過吳閶
門外水落花無處弔黃三

至今人語應空山白鶴當時想往還身到林逋
高臥處吟魂已不似人間

杭州送子元季符歸丹陽二首

科名亦何貴所爲客恆飢又作青雲想能無白

首悲文章無是處或者淚乾時努力望同學何須我得之

邇日頗不健中年方自傷何知二三子如我更頽唐一切閒哀樂窮途殊未央相期重身命此

別太迥腸

時二君皆病

西湖歸舟偶成

嚴城鼓角催歸急湖上人家一宿難初日芙蓉柳梢月可憐都付阿誰看

十二月十五夜無月漫成

雲意沈沈雨意新燭邊無語酒邊瞋再圓已是

明年月不解嬾娥尙避人

秋蟬吟館詩鈔卷五終